

1. **VETERINARSKI FAKULTET U SARAJEVU**, sa sjedištem u Sarajevu u ulici Zmaja od Bosne 90, JIB: 4200228330004 kojeg zastupa dekan prof.dr. Nihad Fejzić (u daljem tekstu: Fakultet) i
2. **KJKP „PARK“ D.O.O.** sa sjedištem u Sarajevu u ulici Patriotske lige 58, JIB: 4200258320003 koju zastupa direktor Alen Ramić (u daljem tekstu: Park)

zaključili su dana 14.01.2019. godine slijedeći:

UGOVOR o nastavnoj, naučnoj i stručno-tehnološkoj saradnji

I PREDMET I CILJEVI UGOVORA

Član 1.

Svrha ovog ugovora je reguliranje uslova i načina nastavne, naučne i stručno-tehnološke saradnje između ugovornih strana.

Glavna područja saradnje u okviru ovog ugovora će biti sljedeća:

- edukacije studenata Fakulteta;
- izvođenje praktične nastave u RZC Pionirska dolina i zoo vrt;
- kontrola kvaliteta stočne hrane koja se koristi u ishrani životinja u zoo vrtu;
- ispitivanje i utvrđivanje zdravstvenog stanja životinja u zoo vrtu;
- dijagnostički, preventivni i terapijski tretmani.

II OBAVEZE UGOVORNIH STRANA

Član 2.

U cilju realizacije ovog ugovora Park se obavezuje da će:

- obezbjediti nesmetan pristup akademskom osoblju i studentima Fakulteta u RZC Pionirska dolina i zoo vrt kako bi obavili praktičnu nastavu, kao i sve druge radnje koje će omogućiti provođenje edukacije studenata po nastavnom planu i programu uz prethodni dogovor sa veterinarskom službom u zoo vrtu;
- obezbjediti parking prostor u krugu RZC Pionirska dolina i zoo vrt za službena vozila Fakulteta kojim će se studenti dovoziti i odvoziti na nastavu;
- obezbjediti adekvatan prostor za kliničku učionicu sa pratećim sadržajima (sanitarni čvor i prostor za garderobu) u kojoj će se u skladu sa nastavnim planovima i programima izvoditi klinička nastava na nastavnim životinjama;
- jednom godišnje u pismenoj formi dostavljati Fakultetu /šefu klinika/ izvještaj o zdravstvenom statusu životinja sa kojima studenti dolaze u kontakt;
- omogućiti učešće akademskog osoblja i studenata u rutinskim zahvatima;
- omogućiti učešće akademskog osoblja i studenata u dijagnostičkim, preventivnim i kurativnim tretmanima;
- omogućiti učešće akademskog osoblja i studenata u uzimanju uzoraka krvi od iz zoo vrta radi vršenja analize istih u skladu i na način kako je to propisano pozitivnim zakonskim propisima.

Član 3.

U cilju realizacije ovog ugovora Fakultet se obavezuje da će za Park obavljati:

- obavljati stručnu i nepristrasnu kontrolu kvaliteta, sirovinskog sastava i posebnih svojstava stočne hrane koja se koristi u ishrani životinja u zoo vrtu;
- dijagnostičke, preventivne i kurativne tretmane za koje veterinarska služba Park nije osposobljena, odnosno na osnovu zahtjeva veterinarske službe zoo vrta;

- obavljati laboratorijsku analizu uzoraka krvi uzetih od životinja u zoo vrtu, u skladu i na način kako je to propisano programima kontrole bolesti koje su regulisane zakonskim propisima;
- obezbjediti stručno lice (diplomiranog veterinaru) koje će koordinirati i provoditi tehničke poslove za potrebe izvođenja nastave.

Član 4.

Ugovorne strane se sporazmijevaju da će se obaveze iz čl. 2. i 3. ovog ugovora vršiti bez naknade.

Član 5.

Ovaj ugovor se zaključuje na vremenski period od 4 (četiri) godine računajući od dana potpisivanja istog i ne može se prećutno produžiti.

III-PRIJELAZNE I ZAVRŠNE ODREDBE

Član 6.

Izmjene ovog ugovora mogu se vršiti uz saglasnost obje ugovorne strane i to putem aneksa ugovora.

Član 7.

Eventualno sporna pitanja iz ovog ugovora ugovorne strane se obavezuju da će sporazumno riješiti, a u slučaju nemogućnosti takvog rješenja ugovaraju nadležnost Općinskog suda u Sarajevu.

Član 8.

Ugovorne strane su saglasne da ovaj ugovor i obaveze koje iz njega proističu stupaju na snagu danom potpisivanja i ovjere.

Član 9.

Ovaj ugovor je sačinjen u 4 (četiri) istovjetna primjerka od kojih svaka ugovorna strana zadržava po dva 2 (dva) primjerka.

Veterinarski fakultet Sarajevo


Prof. dr. Nihad Fejzić, dekan

Broj: 04.04.28-9/19



KJKP „Park“ d.o.o.


Alen Ramić, direktor

P-142-A

18-01-2019